

clxxxvi

## Das ander buch

Aber was geschaher: Do etlich besündere personen vernamen/ das die so in der  
statt belegeret waren des fridens begerten/ namen sie gelt vnd machten friden mit  
ihnen on rath vnd verwilligung der obersten hanptleüt/ die im höre waren. Do  
wurden die keyserischen bezwungen ab zuziehen vnnnd wider in Teütschland zü-  
ren. Anno tausent fünffhundert vierzig vnd viere/ zog keyser Carle mit höchster  
macht vnd mit hilff des reichs wider den künig von Frantreich über die Tscham-  
panien hinein den nechsten auff Paris zü. Der Franzos hat bey im auffzwentzig  
tausent Eydegnossen. Der Künig von Engelland bekriegt den Franzosen auch  
ernstlich/ des wegen er genödtige ward sich mit dem keyser zübefriden. Nach rich-  
tung dieses frides fürte der Franzos die Eydegnossen wider den künig von Engel-  
land hinab in die Picardy/ aber den Engellender was hinder sich gewichen vnd  
hat das land weit vnd breit verherget. Als nun der künig der Eydegnossen mit ma-  
re bedorffe vnnnd sie vrlaubet/ vnd die erhungerten knecht widerumb durch das  
verherget land herauff müssen ziehen/ erscheyen sie mertheils/ vñ starben der sel-  
bigen Eydegnossen vnder wege vnd doheim etlich tausent. Im jar tausent fünff-  
hundert vierzig vnd sieben ist Franciscus künig in Frantreich gestorben/ vnnnd  
auff in gefolget sein sun Henricus 2. der Delphin/ darnach durch beistand etlich/  
der Teütschen gezogen durch Lochringen/ nach bis an den Rhein im jar tausent  
fünffhundert fünffzig vnd zwey/ do er auch Metz/ Verdun/ Tull vñ Danwil/  
Ibisch in Lüzelburg ingenommen vnnnd ander flecken mer. Anno tausent fünff-  
hundert fünffzig vnd sieben auff den sechsten Augusti ward von Philippo dem  
künig auß Engelland S. Quintin die statt erobert/ nach niderlag der Fräzosen.  
Im andern jar hernach tausent fünffhundert fünffzig vnd acht/ do zog der von  
Guyßen in namen der kron in Frantreich durch Lochring ghen Metz/ do dann  
vff Partmosen/ lägeret sich für Diedehofen im Mey/ erobert sie im Brachmonat.  
Ober das selbig hat er auch Cales in Picardy erobert/ Bald für Guiné zogē das  
ingenossen/ desgleichen Dunckerchen/ S. Winazberg/ sunst vil flecke vnd dörf-  
fer/ hat auch Gräflinge belegeret/ do er mit grosser niderlag geschlagē ward/ vnd  
nach vil kriegs so künig Henrich mit Philippo de Spanier gehabt/ frid gemacht  
im 1559. jare im Apullen sein tochter dem Spanier vermächlet/ als er Turnier ge-  
habt vnnnd auff den dreysigsten Junij verlezet worden im rennen/ das er den vi.  
Julij gestorben/ ist sein sun Franciscus des namens der ander künig  
in Frantreich worden/ welcher den 5. Decembris Anno  
1560. mit tod verscheiden/ vnd an sein stat yetz kün-  
ig Carolus Maximilianus dem 7. Christ  
monats obermelts jars.

Tealle

fündert von al  
so were es ein  
das groß Wü-  
ren ligt. das be-  
stand das so vñ  
gustisch möre/  
das Adriatisch